

四庫未收書輯刊編纂委員會編

四庫未收書輯刊

北京出版社

柒輯・貳拾陸冊

四庫未收書輯刊

四庫未收書輯刊編纂委員會編

北京出版社

柴輯・貳拾陸冊目錄

儲遜菴文集十二卷附錄一卷〔清〕儲方慶撰

一

鳳池園詩集八卷文集八卷〔清〕顧汧撰

二〇七

金臺集二卷〔清〕許承宣撰

四四七

清吟堂集九卷附神功聖德詩一卷

皇帝親平漠北頌一卷恭奏漠北蕩平凱歌一卷〔清〕高士奇撰

五三九

城北集八卷〔清〕高士奇撰

六〇一

苑西集十二卷〔清〕高士奇撰

六五一

獨旦集八卷〔清〕高士奇撰

七三一

〔清〕儲方慶撰

儲遜菴文集十
二卷附錄一卷

清康熙四十年儲右文等刻本

直木先伐甘井先竭物之能以材自全者鮮矣天之生物也傳其翼則兩其足予之齒則奪其角無全賦也僇工于爲弓而不能射射無工于羿與逢蒙者也奚仲工于爲車而不能御御無工于王良造父者也此荀卿子所云藝之至者不兩能耶予觀於義興儲君遜菴允信君用策論舉康熙丙午省試第一明年成進士第三對策數千言指陳天下事皆人所不敢言其大畧謂下吏之貪由上官而上官之誅求亦非無因又請復巡方以破督撫之情面又言從古節儉

宋序

之外別無生財之法當時病其言切直抑寘二甲不得入翰林而君正直敢言之名重天下及令清源當孔道會軍興旁午君不忍悉索累民舉責以償日益困以博學鴻詞徵詣闕下又恥干謁竟報罷君自是亦投劾歸矣悲夫畢仲游貽東坡書畧曰今知畏于口而未畏于文見是者喜蒙非者怨喜者未能濟君之謀而怨者或已敗君之事矣官非諫臣職非御史危身觸諱以游其間殆猶抱石而挾溺也豈君之謂與以君之才秩不過七品年歷逾五十工其一而拙

其二豐于此者嗇于彼是誠物無全賦而藝不兩能者乎予以是爲君悲也雖然趙汝愚每云丈夫得汗青一幅紙始不負此生而張魏公浚謂楊萬里曰元符貴人腰金衣紫者何限惟鄒志完陳瑩中姓名與日月爭光誠齋得此語終身屬清直之操假使君而位三公享上壽庸庸多厚福則亦與草木同朽耳豈知年壽榮樂有盡而文章無窮乎君固不以彼而易此也君卒後長子孝廉右文率諸弟簪君遺文十二卷錢諸黎來請予言弁簡首予遂不辭而序之君諱

宋序

方慶字廣期遜菴其別號也友人邵子湘氏稱其文雅健長于議論不虛云商邱宋犖撰

遜菴集者荆溪儲君廣期詩古文遺集也當今上
改元三年詔廢入股用策論越一年爲康熙丙午君
遂以策論舉省試第一明年成進士是時君所爲文
章重天下其對策纚纚四千餘言伉直明切論者方
之董膠西鼂家令公孫嚴徐而下亡論也他文率雅
健長于議論予常以謂文章之不朽貴于適用而文
章所以能自不朽于世者係乎其人之立品今夫適
用之文譬之黍稷稻粱菽麥可以療饑繪帛絲絮可
以禦寒舟楫可以行水輿輶可以行陸金幣刀貝泉

郤序

布之屬可以資有無百物在天壤間日出而日新而
其用必不可一日廢而人品之係于文章則如毛之
傳皮枝葉之傳根剝其皮撥其根雖彪炳之文千等
之杞楠勢不可以終日間尋繹君所爲對策之文大
指蹇諤不肯唯阿能言人所不敢言其大者對用人
則曰陛下有意得天下真才當論人才不當論滿漢
滿人才不必參以漢人漢人才不必臨以滿人對止
貪則曰下吏之貪由于上官而上官之誅求亦非無
因當今止貪之治莫急于清其源直其表而源與表

所在臣未敢深言也又言本朝嘗以一歲一易之巡
方破督撫賄賂賄情罔之弊以小臣馭重臣爲術甚微
今議撤未久宜復設此官佐人主耳目所不及對理
財則曰從古節儉之外別無生財之法願陛下絕口
不言財利先之以淡泊示之以節儉使百姓家給人
足積之十年必有可觀當時病其言直抑真二甲君
不爲悔出令清源會三陴用兵清以小邑當孔道軍
興旁午民重困君舉債補苴誓不加派閭左一錢久
之以博學鴻詞徵時文士應詔集闕下百有餘人往

郤序

往亟聲譽事干謁君乃謝客蕭寺足不及公卿門公
卿亦無汲引君者竟報罷君遽弃其縣令投劾歸遂
用齟齬以終身庫立品如是文章如是其集卽易得
而不傳也予常惟南宋至今垂五六百年文不逮古
皆王安石腐爛入股壞之今上以天縱聰明毅然
罷黜詎非曠世高識惜廷臣起入股者多耳目習熟
尋議復故使良法中沮可慨也君歿且二十年其長
君孝廉右文率諸弟排簪所爲記序論議雜文八卷
詩賦四卷鈐版行其季雄文尤厚予常欲以詩古文

北固亭引鄒子厚語堅却之其請予序跨門至再
三者雄文也君諱方慶廣期其字世公常州宜興人
學者稱遜菴先生康熙壬午中冬毘陵邵長蘅序

鄒序

序

三

癸亥廣期疾大漸與余訣其音琅琅取所著詩古文
壹囊命長子右文坐以進曰四叔爲我擇而論之寧
嚴毋恕余涕泣受其請既卒業越二十年始克鋟諸
版顏曰遜菴集爲之序曰人言古文謂其句讀不類
于今此繆說也古文以品骨不以句讀而文品與人
品大較不謀而同文高而品下書勢以來一二人而
已廣期爲諸生卽特立不詭隨通籍後士大夫相投
斝者獨山西魏公環溪一人士人則傳青主姜西溟
餘皆如鑿枘之不相入此其耿介絕俗之性適足以
序
大害仕途使跋前疐尾而古文則引而日上卓然成
一家之書茲集諸體畢登尤長于議論高處逼晁家
令下亦紆餘穿透有穎濱遺老之風敘事文次之然
當其得意恣睢嗔然入司馬氏之室者亦往往而有
詩工力不深然較之明允子固又若差勝夫詩古文
匪一日之傳將與百世共見焉稱人不符其實將必
有見而笑且怒而抵之地者余論定遜菴集核實如
是余俟百世之見之也抑寧嚴毋恕其于廣期末命
庶不負矣乎辛巳仲春從叔欣撰

儲遜菴文集目錄

第一卷

書

上梁宗伯書

上魏總憲書

與鄒程邨書

與鄒程邨論謝獻菴題名記書

答張敦若書

與傅青主書

遜菴文集 目錄

與李處士書

與曾庭聞書

與王璞菴書

上馮相公書

與周叅議書

與高知縣書

與周立五書

與曹秀才書

第二卷

序

擬 御製皇輿表序

送倪六通令定南序

送姜西溟東歸序

送蔣僉事候補序

送潘元白之任激浦序

送耀遠叔往泰州序

桐齋近草序

越遊吟序

遜菴文集 目錄

學文堂文集序

澹木齋文集序

願息齋詩集序

蔣丹生四書彙纂序

楚省試牘序

錢澹仙詩經文稿序

族譜序

八股存稿序

第三卷

記傳誌銘行狀

清源縣學記

東湖記

白龍神廟記

明神宗御書大字記

萬柳堂記

熊公講堂記

在陸草堂記

昌黎令驅鬼記

遜菴文集

目錄

三

申自然傳

從舅潘均範墓誌銘

泰州康節婦墓誌銘

姚縫園先生行狀

薦舉記畧

第四卷

論

三家分晉

秦并六國

豪傑亡秦

高帝滅楚

諸將之叛

和親之議

項羽論

漢高論

七國安史合論

本論

第五卷

遜菴文集

目錄

四

議

立法議

裁官議

馭吏議

治河議

開劉河議

饑民墾荒議

宜興議引

荒田議一

荒田議二	荒田議三	荒田議四	荒田議五	吏胥議	亂民議	第六卷	試策表	殿試策一道	逐卷文集 一 目錄	省試策一	省試策二	省試策三	會試策二	會試策三	會試策四	會試表	第七卷	擬策	用人
									二五										

銓政	經學	士習	曆法	兵制	水利	限田	民力	守令	逐卷文集 二 目錄	清丈	冊盜	第八卷	雜著	序卦序文說	二十一史考	答問	甘霖協應頌	陳椒峯像贊
									六									

周立五像贊

徐竹逸像贊

乞休詳文

壽王別駕文

公祭姚先生文

募舉延生會文

誠二兒三兒

書柳子厚詩後

書蔡忠襄傳後

遜菴文集

目錄

七

書曾庭聞詩集後

第九卷

賦

帝京賦

甘霖賦

哀征婦賦

第十卷

詩

丁未歲存詩四首

戊申歲存詩六首

己酉歲存詩一十六首

庚戌歲存詩三十九首

辛亥歲存詩一十二首

壬子歲存詩四首

第十一卷

詩

癸丑歲存詩五十四首

甲寅歲存詩二十七首

遜菴文集

目錄

八

乙卯歲存詩二十三首

丙辰歲存詩一十三首

第十二卷

詩

丁巳歲存詩二十首

戊午歲存詩九十四首

己未歲存詩五首

附錄

本傳

墓誌銘

魏象樞

男 右文

大文

在文

郁文

雄文校字

九

墓誌文集

目錄

墓誌銘

蔚州魏象樞撰

康熙丙午丁未間人文焜耀宜興三黜配三蘇讀其
文一蒼蒼堅緻類有節一英華美秀而有度一倜儻
幻化義不與古今人苟合有骨觀乎人文以化成天
下此其驗也壬子歲余奉 召入朝詢其官一選木
天其二則皆百里選也乙卯余見學誠舉于鄉出孫
太原儲清源兩公門儲公者正余曩讀其文謂義不
與古今人苟合當世所稱廣期先生者也歲時廉其
治狀有聲戊午 上詔舉天下博學弘詞之士董學
臺誌銘 八附錄 一
士訥疏清源知縣儲方慶人文稱報可將入都清民
攀轅環泣不忍慈母去都下待試十閱月蕭然著書
足不過公卿門試罷清源復以竹馬來時抱病絕意
仕進竟歸里自號遜菴云遜菴爲兒時家門鼎盛其
祖太學公承御史公後頗豪華蓄女樂二部堂中匏
竹絲管歌舞之聲不絕母家潘氏饒甲興邑父文林
公奇愛遜菴外內戚屬爭致繁豔娛悅耳目遜菴概
棄不視獨愛書七歲五經成誦八歲花致督學前與
試號奇童十六試棘闈不中屢試屢躋中更父若母

大喪家乃中落遜菴益肆其志于文章三十四舉江南榜第一其難見井陘公善慶堂姪子公振俱大魁名益震動一時遜菴殿試直言時政比諸封事得二甲不與館選遂家居奉祖如父七年令清源西南方用兵清爲孔道邑小牛馬芻秣供億日增數從上官爲小民請命力言費煩重作法派民軍行不數年而民盡矣上官意不許遜菴憤激舉債補濟歲終銷算亦不許乃力任不派里甲絲毫政平役均士民咸德之獨不獲意于上官不坐能去又不許是時善慶墓誌銘

八附錄

二

令井陘與清源遙望五百里軍興震蕩旁午飛馳之聲相應日或蹄數馬所過誅責不如意杖馬箠指長吏雜以怒詈井陘君不勝憤自經署中風聞遜菴哭累日夜不能止引疾乞休日職與亡兄生同胞幼同學稍長同失父母起居飲食倚祖爲命及成名仕無不同者兄困于王事死非命不才骨與俱碎有祖九十有五不能當悲哀乞題放還保祖命左右聞者皆泣當事不爲動踰年其祖太學公果告終遜菴求去益力上官留益堅病甚會徵車就道事畢余始相

識知其義命自安不復作金門想遜豈待卜哉既歸塋祖成禮撫荒田敝廬甚適掃榻贄古人書課子姪爲文章門無雜賓慶弔宴會不相聞非骨肉親屬與素所交游雖至不見後亦罕至遜菴不能與今人遊又嘗自愧不及古人獨一見與余合遜菴才名初盛余在家及余在國遜菴復去官余爲詩送之有人從玉署瞻龍袞若合銅章讓布衣之句遜意存焉爾遜菴爲人天性耿介扶弱抑強不慕勢利才幹骨力養晦數年可任天下事乃五十而夢登天悲哉遜菴墓誌銘

八附錄

三

家世起唐御史儲光義公以事長于江南后裔止宜興爲臧林儲氏累世簪纓不少入明宗祀益繁衍會祖御史公昌祚起萬曆名進士傷于讒終蜀兵備晉階中憲大夫祖懋端太學生父福疇中壬午副榜貢太學有文名贈文林郎清源縣知縣母潘氏萬曆己丑進士戶部郎中守正公孫女州二尹紹謨公女贈太孺人生四子公其三也公諱方慶字廣期號遜菴康熙丙午解元丁未進士授山西清源縣知縣封文林郎生于癸酉三月初五日辰時卒于康熙

癸亥三月二十九日辰時享年五十有一卽以其年

十二月初九日十葬于其邑下山之麓元配徐氏天

啓壬戌進士四川成都知府申懋公孫女太學生

封文林郎榮先公女 封孺人子五人長右文中康

熙丁巳科順天舉人父大文縣學生次在文郡學生

次邵文次雄文女四人選卷門下士牛兆捷善師選

卷聞變有望祭文詞甚哀亦傷選卷長于特立阻于

孤行也余兄學識嚴以詩有空將詞賦傳華國不使

才猷說濟川之句其實錄哉所著文集二百篇詩各

墓誌銘

附錄

四

體共千首爰系以銘

銘曰景星慶雲天之瑞也文則有慈母神君人之善

也官則守玉輝于山珠婚于淵而弗耀于市物何咎

午未義興號才藪胡華夕謝難爲久鬱彼佳城深且

厚登高望遠期不朽

儲選卷文集卷之一

宜興

叔

欣同人評

上梁宗伯書

月日某官某謹北向再拜寓書于大宗伯梁先生座

前方慶聞諸古人曰士信于知己而屈于不知己蓋

常頌其言而竊歎知己之難也昔者管仲相桓公霸

諸侯得君之專後世無與比桓公之于管仲可謂知

之深而信之篤矣然管仲不以桓公爲知己而曰知

選卷文集

卷一

一

我者鮑子楊子雲著太人皆笑之子雲曰世不我

知無害也後世復有楊子雲必好之矣子雲著書不

求知于天下而以俟之不可必得之後人由此觀之

屈不在貧賤伸不在富貴知己不在君親師友而或

在于百世之上或在千百世之下惟其心之相合而

氣之相投雖舍富貴趨貧賤違其君親師友以自盡

于知己之前猶且爲之又况于去貧賤而就富貴求

知己于君親師友者乎蓋莫幸于此久而其相遇也

又有時苟非其時則交臂而失之與日謀面而不能

自言其心者比比也。而至于得其時矣。知已之幸矣。則相感于一言偶觸于一事。雖異地而心領神會。若或使之者。然此其事有天焉。不可強而合也。方慶少年。習爲制舉業。以求知于人。以爲讀書學文字。不過求富貴已耳。及長。稍有知識。問取古人書觀之。則又有不求聞達之說。似異乎昔所聞者。心竊喜之。輒隨而効之。不自知其有合于古所云否也。或取以示人。則人皆笑之。謂有妨于舉業。宜屏而不錄。然其翹然自喜之心。不能自己。竊負此志。未常輕以告天下。而

天下亦無知之者會。國家廢八股。尙策論。偶出其緒餘。以應當世之求。一用而卽舉于鄉。再用而復舉于禮部。當此之時。誠不自意其効之速。至于如此。嗚呼。此其中必有知已者在矣。觀乎其文而知其志之所之矣。然知方慶于鄉者三人。以爲知已也。進而謁之。而邈乎其不相入也。知方慶于禮部者五人。以爲知已也。進而謁之。而淵乎其不可測也。嗚呼。知已誠難矣。所謂君親師友者矣。感恩則有之矣。及去而南歸。謝諸生業。以專肆力于討論。而復從西蜀之李先

生遊。然後得見其與先生書。盛相稱引。以爲當世著作之宗。方慶于是竊歎向之昧昧于知已者。乃已之不知有知已耳。非當世之無知已也。然其相遇不在受知之日。而遲之數年之後。以有會于他人之文。豈非知已之難。時未至。則不能強以相合也。哉。然蒙昧不能自審。至于如此之遲。久而後有得如此而不急出其心以自白于知已之前。則終無有望于知我而伸之者矣。蓋方慶之志。將以上窺三代。下考漢唐。鏡于已然之効。論列當代之是非。遂成一家言。傳之無窮。以報知已而志遠才疎。言窮行僻。兼以厠身士大夫之末。未能屏棄人事。一志于古今。是以日復一日。年復一年。歲月如流。而所懷莫遂。若遂捐不急之功。名相從于丘壑。又恐淪沒在下。而名不彰。是以進退不能自主。皇皇然如有所失。而不自知其所之也。伏惟先生爲時碩輔。匡致太平。則長育人才。以佐國家。修明禮樂之用。乃先生意中事耳。况負知已之感。幸列于門墻。如方慶者。哉。援而拔之。以備人才之選。使得味歌盛德。陪從廟堂上。以闡揚天子之功。下

以鋪陳卿相之業其于二代大文必有少補若必不可得猶將退而著書獨行已志而家貧守拙有不能卒業之憂此誠大君子之所當深惻者也今選事尙遙乃畢生之幸人恨其遲方慶獨懼其速不以此時疾呼知已出之水火之中後卽有言諒亦無及然此特可爲知已告而已俗人聞之未有不非而笑之者也謹錄近所爲文若干首獻之座前幸賜覽觀焉方慶再拜

李研齋曰昔人論太白詩不經意處景物俱在天

蓮菴文集

卷一

四

外吾于此才亦云

姜西溟曰一邊擡高人一邊爲自家地步醇而後

肆蘇王得意筆

叔同人曰論知已之難有出于前人處

上魏總憲書

年月日某官謹再拜上書刑部尙書部御史大人閣下方慶拜別西行時閣下已晉位司寇列於六卿矣道路之口皆云閣下在御史臺銳意言事司政柄者嫉之故不能究其用司寇位雖尊而實奪之權以是爲閣下惜然往年天子埋閣下爲都御史閣下首劾貪吏斥倖進破大吏徇庇之情發學臣奸私天子深嘉閣下忠直賜以御書大字此皆方慶在都門時所親見竊以爲古來君臣相得之盛不過如此去今纔幾日耳豈有忽間於中移易其官守者以是展轉於心而不能決及來恒山接邸報見閣下復以大司寇銜留都御史任深歎聖天子信閣下深任閣下重非常情所能測方慶旣爲閣下賀還爲閣下憂也何則信之深則望之者切任之重則責之者專今天子責望閣下專矣切矣閣下何以報天子哉閣下前無所憑後無所據徒率其耿介不回之性一身孤立於朝廷而又居言事之職苟有利於國家苟有害於天下者閣下安得不言閣下不言則負

蓮菴文集

卷一

五

天子閣下言之言與利而利或未盡與言除害而害或未盡除亦負。天子負。天子閣下之所憂也。言利害閣下之所能也。然愚以爲負。天子閣下之所憂也。言利害亦閣下之所憂也。蓋今天下利害有難言之者矣。其遠者大者方慶不敢言也。卽以察吏論方今吏治之壞至於無復顧忌朝廷日以刑辟隨其後而郡縣吏卒無悔心之萌豈今之爲吏者則必皆不肖哉。其勢有以驅之也。既驅之以貪殘而後從而尤之曰爾曷爲貪殘若是雖寘之重法吏必不服不寧惟是且有誘之者矣。誘之而復陷之雖寘之重法吏益不服不服其心而徒曰議吏之法不可不嚴也。天下吏僥倖以求免於法者何所不至乎。故夫僥倖之心生而顧忌於是乎蔑有也。欲救今日吏治者不當責之吏而當責之驅吏之人去一驅吏之人則貪殘之吏自無所容其身矣。此其事至易明也。然莫有肯爲。天子言者懼大吏之力足以相敵也。大吏之力既足以相敵大吏之事又隱於無形以相敵之力攻無形之事則言出而禍隨其後是以難也。夫難於

趣菴文集

卷一

六

言大吏則亦已矣。難於言大吏不必易於言小吏何者大吏不除而除小吏後之爲吏者猶夫是也。其爲民害自若也。所爲言害而害或未盡除也。然難於諸言事者不應難於閣下。天子之於閣下何如哉。閣下苟有言。天子必不以無據忽之。天子用閣下言奮然除數人以休天下之民。豈惟民受閣下賜哉。吏亦懷閣下德矣。閣下何憚不爲此而瑣瑣於州縣之小吏乎。本朝初受命時四方擾攘法令未備吏道雜而多端郡縣黷貨如豺虎。世祖皇帝赫然震怒戮辱大吏之尤者以儆其餘。然後誅求之風少息。天下漸積於休養。至於午未申酉之間民間復有太平之象。二十年來大吏晏然無事日作威福凌其下挾朝廷功令爲魚肉下吏計以賄賂定官評于是郡縣承風指蕩析民資而不顧蓋江淮閩廣間無復曩時生聚之樂久矣。近又益以封疆之變悉索敝賦待命不遑爭敗則以罪委之下吏而已。不與是以刺史令長投繯畢命者在廷公卿明知其故莫敢出一言爲。天子指陳情狀相與上下蒙昧希得

趣菴文集

卷一

七